

卷二萬二千九百六十五

重錄總核有片即奉為出

學上且初正交

分核官侍讀廷召美

書局儒士自被成

團點並生自奏求華

且敬陽卿

永樂大典卷之一萬二千九百六十五 一送

宋 寧宗十

宋史金文慶元元年上孝宗第三子也淳熙七年二月戊辰初就傳孝宗諭輔臣妙簡儒臣為小學教授遂以命秘書省王字楊輔時上年十三矣明年輔補外以校書郎劉光祖代之光祖請講誦祖宗故事以為日課上自矜齡尊師而重傳朝廷所用學官如羅點鄧駟莫叔光咸一時之選及是又創翊善以沈清臣為之清臣或免以黃裳代之其後黃艾孫達吉陳傳良章穎沈有聞彭龜年繼居講讀之任皆名儒也上每溫習所講之書自為口義令講官視草或有大議論上必書之冊謂之日記高宗獵陵上力請護送道間因見田家作苦之狀謂左右曰居常在禁中安得知此耕哉曰周公作無逸首之曰知稼穡之艱難蓋人君生於深宮之中長於婦人之手其視田里之務為何物故一旦出而臨民往往如秦越之相視嘗聞真宗乳母號奉國太夫人劉氏本農家女喜談田野間事真宗自幼聞之為甚詳所以即位以來如息農氏京德農田勅或書最為詳備豈非

是問之有其素哉今我寧考在潛之初周道問見四象作苦之狀請左右
曰居常任禁中安得知此是則小人之發願於聖心久矣此三十年恭儉
之治豈無所自來歟

光宗紹熙二年冬光宗始屬疾四年壽皇不豫光宗疾甚不能視疾壽皇
升遐猶未能出知樞密院事趙汝愚等奉太皇太后聖旨皇帝以疾不能
執喪奉皇子即皇帝位本未詳見光宗紹熙五年時年二十七春正月
丁亥朔蠲兩淮租稅詔修高宗實錄已亥雷辛亥將作監李沐為
右正言沐韓侂胄之黨也侂胄欲擊趙汝愚於是權沐以居言路二月
初內藏庫下淮東總領所取撥羨財至是革通言此錢當存留以備緩急
請詔有司自今除每歲收支外並將椿管實在之數開具成冊使朝廷通
知有餘不足之數其非緣軍前事毋得輒支移起發欲以他用雖有中旨
許執奏不行俟儲積累多朝廷經制既立然後議策石之重經考撥定之
數目寬威州縣還以予民從之三月辛亥詔四川歲發西兵赴行在如
舊制四月己未知樞密院事兼參知政事余端禮為右丞相簽書樞密
院事京鏜知樞密院事同知樞密院事鄭僑參知政事御史中丞謝深甫
簽書樞密院事六月己未遣起居舍人汪義端賀金主生辰命中書

復置臺諫官言事簿 右正言劉德秀劾國子博士孫元卿太學博士袁
燮國子正陳武皆罷去司業汪遠入劉子辨之德秀以為言遠亦罷於是
善類為之一空矣韓侂胄本武人志在招權納賄陰不附已而已不能巧
為說以網善類也先是熙寧間程顥程頤得孔孟千載不傳之學始以道
學為天下倡二先生少學於汝南周敦頤其後學者翁牖宗之其高弟延
平楊時河南尹焞適遇靖康建炎紹興之間致位通顯建安胡安國學春
秋於程頤而不及見以楊時謝良佐為師友紹興初秦檜為丞相引安國
侍經席一時善類多聚于朝俄為呂頤浩朱勝非所逐趙鼎為相檜燔以
布衣勸講經生學士多召用焉鼎既罷張俊獨相諫官陳公輔力排程氏
學以為狂言詭語淫說鄙論胡安國上疏辨之其後檜再入相復尚王金
陵而程氏學廢矣楊時傳郡人羅從彦從彦傳之李侗侗傳之朱熹安國
傳其子憲憲傳之廣漢張栻栻後之子也乾淳間與朱熹相往來講切復
以道學為已任學者號曰晦庵先生南軒先生東萊呂祖謙其同至也栻
侍經筵不久而去熹屢召不起孝宗賢之王淮當國熹不善熹尚書鄭丙
始創為道學之目淮又推陳實為察官得上疏言近日縉紳有所謂道學
者大率假其名以濟其偽望明詔中外痛革此習熹遂得詞淳熙朱熹除

即以及疾未拜而侍郎林果勸其慢且詆道學之士以龍臣之首宜如禁
絕果雖罷去而士大夫譏謗道學之說迄不可解甚至以朋黨詆之而邪
正莫能辨紹熙末趙汝愚當國遂起熹侍經筵而其學者益進學者仰之
如泰山北斗而流俗醜正多不便之然猶未敢加以醜名攻詆至是士大
夫嗜利亡耻或素為清議所摘者乃教以凡相與為異者皆道學人也陰
疏姓名授之俾以次斥逐或又為言名道學則何罪當名曰偽學蓋謂貪
黷放肆乃人真情其廉潔好修者皆偽也於是險壬險狠猥薄無行之徒
利其說之便已攘袂奮臂以攻偽于進而學禁之禍自此始矣洎長日成
朝自王安石以新經破舊說凡學校科舉之間皆以王氏之經從事士用
新進圖事新法而天下自是多事孝宗皇帝崇寧間伊洛之學一時明師
大儒相繼而奮然橫在湖未意在閩呂祖謙在浙皆推明是學以續孔孟
正脉之傳天下學者翕然從之待其說者王以傳授元岩谷草野之間皆
出一轍學校科舉取人士大夫立身事君無不源流於是學之中涵養陶
成士習醇美自小人用事惟靡道學而名之以偽海內之士凋倒風俗不
惟禮義廉耻有所不顧而學士大夫之衣冠亦更變以趨時未幾無說不
與亦端錄起非朝廷決然黜去大計以復正學幾為東南不可解之禍師

道下立其流弊乃至此我輩者結黨之前一時風俗之好尚為士者喜言時政為吏者喜立功名誠不能無所偏而執士態之甚遂一舉而厭薄之稍自矜者名以偽學欲自立者號以私黨於是世俗改方為圓變真為偽而流風之弊有不可勝言者矣御史中丞何澹急欲執政秋七月丙申上疏論專門之學流而為偽空虛短拙文詐沽名諂風厲學者專師孔孟毋得自相標榜丁酉詔榜朝堂澹始以留正薦自權兵部侍郎除右諫議大夫首擊周必大罷之未幾遷中執法一時名士排擊殆盡大為清議所薄會有本生繼母之喪徘徊不肯去太學生喬嘉等移書切責之其略曰閣下自長成均而更長臺諫此三綱五常之所係者也今閣下有所生繼母之喪初請丁朝欲解官持服繼聞上疏稱解逮事不逮事之異中外聞然雖愚者亦以為駭閣下所生之父果以繼室為正乎若以為正則閣下亦當從而為正不得黜之也今四十餘年以所生繼母事之及其終也反以為生不逮事而不持心喪可乎閣下之意必謂所生繼母無生我之患則不當為所生之母抑不思然其所生之繼母是賤其所生之父也必以生我者為正而繼之者為不正是問巷小人知有母而不知有父者也非天理之公人倫之正也閣下為天子耳目之官將以厚人倫正風俗正

宜致辨於此。太常亦謂當中心制不得已乃去位。既免喪時趙汝愚已執政。止除瑛章閣學士。知明州。滯愈怨恨。祈哀韓侂冑。遂除滯。御史中丞自是力主偽學之禁。以至執政。九月甲辰。遣中書舍人黃文質。金主正旦。丁卯。詔三省樞密院條上合教諸軍例。戊辰。金主遣吏部尚書吳鼎。樞密院中。詔石烈介來賀瑞慶節。十一月庚寅。皇弟徐國公柄為昭慶軍節度使。丙午。監察御史胡紘奏。趙汝愚唱引偽徒謀為不軌。責授寧遠軍節度副使。永州安置。徐誼坐黨汝愚。亦責團練副使。南安軍安置。中外震駭。初上之在重華執喪也。五日一朝于壽康。既而久不得見。至是。紘因劾竄汝愚。仍請以行遣汝愚之事。奏之。太上。庶幾太上。雖然。盡釋前憾。怡愉如初。上從之。十二月癸亥。置楚州弩手效用。丁丑。金主遣刑部尚書統石烈正。太常少卿王珣來賀明年正旦。是月。臣僚劄子。廟朝乃洪化之地。中書實王政之由。正本澄源。無先於此。常程細故。紛沓至前。則朝廷之體不尊。百司之務反廢。今三省文書。偏盈凡閤。百事庶府。惟事依違。日因月循。細故毛舉。中書之務何自而清。

二年正月庚寅。右丞相余端禮為左丞相。知樞密院事。京鏜為右丞相。鏜江西人。淳熙中以檢正報謝虜廷。因爭撤樂。孝宗嘉之。遂除侍從。會趙汝

愚自蜀召還上諭大臣除鏜四川帥汝愚聞之謂人曰鏜皇輕資淺望可當此方面由是兩人有隙汝愚得政鏜時為刑部尚書亞納交於韓侂胄雖推執政遂為仇胄謀主至是遂有右相之除庚子右正言劉德秀為右諫議大夫丁未裁定添差員闕二月辛未再錫臨安府民身丁錢三年甲戌詔三省樞密院置省員簿三月丙申命諸將射鐵簾七月庚寅詔諸路搜訪高宗皇帝御製御筆戊戌清遠軍承宣使韓同卿為慶遠軍節度使八月癸丑奉安孝宗皇帝成穆皇后成恭皇后神御於景靈宮壬戌皇子堽薨追封充王諡曰冲惠丁酉遣樞密院檢詳諸房文室張貴謨賀金主正旦冬十月戊申上御大慶殿發奇聖隆慈備福光祐太皇太后壽成惠慈皇太后聖安壽仁太上皇帝冊寶遂帥羣臣奉上于慈福壽康宮壬戌金主遣吏部尚書張嗣立部侍郎石碩思來賀瑞慶節癸卯賞宜州捕降峒寇功十二月戊申陳賈自知寧國府除兵部侍郎以賈淳熙末曾擊朱熹故也統初為進奏院末為人所知趙汝愚時奪職居餘干韓侂胄意未快會有薦統可備鷹犬者甫及一歲累遷至監察御史汝愚有零陵之命用統章疏也時侂胄欲論朱熹無敢先發者統統然任責物色無所得經年醞釀章疏乃成會建方喪之議還

太常少卿結遂以奉授沈繼祖 金主遣兵部尚書元顏崇道太常少卿
巨謀來賀明年正旦

三年六月戊辰頒淳熙紹熙寬郵詔令 乙亥遣起居舍人衛澤賀金主
生辰 秋七月庚午監察御史沈繼祖錄淹囚四百餘條來上詔進二官

九月辛酉遣戶部郎官曹炎賀金主正旦 十月丙戌金主遣戶部尚
書元顏愈吏部郎中張汝方來賀瑞慶節 十一月辛丑上孝宗哲文神

武成孝皇帝徽號曰孝宗 紹統同道冠德昭功哲文神武明聖成孝皇帝
是日太皇太后崩于燕福宮后姓吳氏讀書萬卷翰墨尤絕人高宗由

是寵遇紹興十三年正位宮壺光宗即位后當為太皇太后以壽皇故廼
更號壽聖皇太后紹熙五年后年八十有二行慶壽之禮孝宗廟始正位

號云 乙巳詔為大行太皇太后服替 丁未大理少卿趙介為金國告
哀使開門舍人朱龜年副之 十二月庚辰罷文武官納官告綾紙錢

乙未金主遣禮部尚書奧屯忠孝工部郎中薛愈來賀明年正旦
四年春正月乙卯上欽宗皇后諡曰仁懷皇后 二月丙子上大行太皇

太后諡曰憲聖慈烈皇后 三月甲子憲聖慈烈皇后攢于永思陵 乙丑
趣修高宗皇帝實錄 金主遣兵部尚書烏林答天海戶部郎中賈楓剛

來弔祭。夏四月丙戌，柩仁懷皇后憲聖慈烈皇后神主于太廟。司農少卿湯碩為金主報謝使，右驍衛中郎將李汝翼副之。六月己巳，遣中書門下省檢正諸房公事楊王休賀金主生辰。癸酉，皇弟吳興郡王柄為開府儀同三司。九月丁未，宰執京鎧等上慶元重修敕令格式申明詔，放天下先是復編修敕令所置提舉同提舉官，遂移牒六曹大理寺及三衙江浙近使州郡監司抄錄乾道五年至慶元二年終牘，降指揮得數萬事，參酌淳熙舊法，送刑部審詳，訖為書總七百二冊，至是進呈。九月庚申，遣戶部郎中曾炎賀金主正旦。十月戊子，金主遣吏部尚書孫鐸客省使帖合忠來賀瑞慶節。十二月己丑，金主遣太常少卿楊庭筠、戶部郎中李木曾子元來賀明年正旦。

五年三月甲申，詔王德諱英宗旦自今不以敬稱。四月戊子，以竄逐王德諱本未付吏部。辛巳，監都進奏院鄧友龍請明詔大旨，用捨從違，謹所決擇，友龍尋除監祭御史。六月癸亥，遣司農少卿李大性賀金主生辰。秋七月己亥，賜李彥穎諡曰忠文。八月辛巳，太廟夾室柱生芝上，平章臣詣壽康宮上壽，始得見大上皇帝，成禮而還。上之受禪也，趙汝愚乞以祕書省為泰安宮，已而不果，乃以慈懿皇后外第為之，既而上皇不

欲遷因以舊福寧殿為壽康宮而更建福寧殿上之在重華執喪也五日一朝于壽康時上皇聖體未平猶不得見去年八月詔恭聞上皇聖躬悉已清復將率羣臣詣宮上壽既而不克行至是以重明節前十日初詣壽康宮進香初上之未見壽康也御史胡紘因劾趙汝愚請以行遣汝愚之事奏之太上庶幾太上權然盡釋前憾怡愉如初汝愚遂有水州之貶及是過宮禮成冬十月庚申朔郭師為進封廣陵郡王十一月丙辰遣將作監馬覺賀金主正旦十二月乙亥奉安仁懷皇后憲聖慈烈皇后神御于景靈宮中中金主遣戶部尚書范楫四方館使滿察守親來賀明年正旦是月移內侍王德謀於汀州初金人既為蒙國所侵冀之北土遂決斥於洮州置場買馬自是馬至秦州者差罕云

六年二月甲申封婕妤楊氏為貴妃三月己卯安定郡王子恭薨詔自今嗣濮王以屬近行尊長無過犯疾病者為之五月有司上慶元寬郵詔令役法撮要六月壬辰遣戶部郎中趙善義賀金主生辰都官郎中吳玠為金主告哀使閤門舍人林可大副之秋七月己未初御後殿八月甲午右司郎中李寅仲為金主告哀使左衛郎將張良顯副之丙申上大行太上皇后諡曰慈懿皇后壬寅皇子坦薨遣封邵王諡曰冲

溫。九月乙卯。附慈懿皇后神主于太廟。丙子。吏部郎中丁常任為金主道留國信使。左驍衛郎將郭侯副之。臣僚奏。比年以來。浸成內重之弊。願懲周行視民事為說已。久貪朝請。謂州縣為徒勞。况祖宗成憲。改秩者必宰邑。典郡者方除郎。即寺監之既更。則出守千里之地。郎官御監之已歷。必出分一道之節。此不易之良法。日往月邁。莫克遵守。臣恐內重外輕。其弊難革。欲望聖慈。俾中外之官。更出迭入。以均其任。興起治功。實非小補。十月戊子。遣右司郎中朱致和賀金主正旦。癸卯。以趙善義奉使生惠罷之。是月。臣僚上言。六月乙酉之朔。太陽方升。中有黑子。况雷電大震於初冬之月。赤氣發於暮夜之時。地震間亦不安。風霾時乎四塞。今朝廷母乃猶有忠邪並進。偽得亂真。欺母乃猶有膏澤不流。田里愁歎。欺母乃猶有利之未與。害之未除。罰賞之施。或傷公道。而害政者。然十二月戊申。金主遣殿前左副都點檢訖石烈忠定太常少卿李愈來賀明年正旦。庚戌。附恭獻皇后神主于太廟。

嘉泰元年二月戊子。詔諸州訪求明曆之士。左司郎中閻丘泳為金主報謝使。右屯衛將軍李言副之。泳尋不行。以起居舍人俞烈代之。頗慶元寬郵詔。今設法振興。已已兩寬。丙午。詔文武臣母得授寓居州任。

獲務官著為令。六月辛巳遣禮部侍郎陳宗弼賀金主生辰。秋七月
己卯知樞密院事何澹罷澹與京鏜劉德秀胡柱四人實主偽學之禁羣
險附之尤韓侂冑所以斥逐異己者則四人之為也。慶元五年二月詔罷
吏部侍郎七月德秀自吏部尚書出知婺州。六年八月鏜以左相薨于位
至是潛復罷政魁險盡去。侂冑亦厭前事欲稍示更改以消釋中外意時
亦有勸其開黨禁以杜他日報復之禍者侂冑以為然。丁巳以早復禱
于天地宗廟社稷。壬戌釋大理三衛臨安府及諸路闕南州縣杖以下
囚。癸亥雨雹。乙丑賜龔頤正出身命修孝宗光宗實錄頤正和州布
衣也本名敦睦元祐黨人原之曾孫國朝高宗實錄慶元嘉泰間京鏜謝
深甫為相時所上孝宗光宗實錄嘉泰二年詔實文閣學士傅伯壽直華
文閣陸游同修敦頤嘗著符祐本末黨籍列傳等書數百卷淳熙末洪邁
領史院奏官之朝廷以其有史學至是賜出身除實錄院檢討官蓋付以
史事未幾而敦頤卒乃外召侍陸運朝孝錄比化錄尤疎駁敦頤復以光
宗諱改名云。丁卯復賑被火貧民。九月辛未遣樞密院檢討諸房文
字林樞賀金主正旦。十月甲午金主遣左徽使徒單懷忠秘書少監李
楊來賀瑞慶節。甲辰編光宗皇帝御集。十一月庚申蠲漳州民舊輸

黃河鐵纜錢。十二月癸卯金主遣兵部尚書訖石烈具禮部郎中孫復來賀明年正旦。

嘉泰二年二月丁亥修高宗皇帝正史寶訓。三月己巳詔諸路帥臣總領監司舉可為將帥者與本軍主帥列上之。五月甲辰朔日有食之。

熙初有武臣趙澳言曆差故命判太史局劉孝榮更造會元曆又統天曆慶元五年京鐘為相時所上也初會元曆既成而布衣王孝禮言孝榮未嘗以銅表圭面測景故冬至後天朝昃然之未暇改作至慶元四年九月朔太史言日食於晝草澤言食在夜測驗如草澤言乃改造曆未成而罷。

三月庚戌乃詔諸道有通曉天文曆算者所在具名來上。五月曆成曆經凡三卷。沿曆他書十七種。凡二十九卷。又上臨安府進士侯望重校萬年

曆十七卷綱目二卷。至是日食五月朔太史以為午正而草澤趙大猷言午初三刻半食三分詔著作佐郎張嗣古監視潭儀秘書丞來欽則著作郎王容測驗起居舍人俞澈覆驗卒如大猷所言史官乃抵罪焉。蓋自渡江來議曆差者多矣。六月丙子遣吏部郎中趙不報賀金主生辰。九

月壬戌奉安光宗皇帝慈懿皇后神御于景靈宮為壽觀。丙寅嗣秀王伯圭薨伯圭秀安傳王子偁之長子孝宗之兄也。紹熙元年五月遷太保。

封嗣秀王二年夏判太宗正事三年夏遷太師永阜陵成除中書令辭不
拜詔有司別議優崇之禮乃除兩鎮節度使諸子初皆補京秩曆牧伯部
使者紹熙後並換南班長。師變為使相。十月乙亥上壽成惠慈太皇太
后尊號曰壽成惠聖慈祐太皇太后。甲申申嚴百司更宿之制。戊子
金主遣上護軍元頗使塘禮部郎中張行簡來賀瑞慶節。乙未遣吏部
郎中李景和賀金主正旦。明輝受賂得罪以閤門祗候王處久代之。
十一月甲辰始御正殿。乙巳重修吏部七司法。乙卯再修光宗皇帝
日曆。十二月上御大慶殿接壽成惠聖慈祐太皇太后尊號冊寶遂率
羣臣上于壽慈宮。閏十二月丁卯金主遣兵部尚書徒單公弼戶部郎
中張術來賀明年正旦。自天聖立川父子法每再歲而易一畧。紹熙二
年光宗念蜀民之勞詔權展一年乃易慶元間有自四川茶馬代還者入
見言父子二年一允每引納貲分錢八十文足民甚苦之今計所多羨財
請每界展一年永為定制章既下制置司上言今民間每允錢引一千貼
納錢引六十四文足每界總領所收貼頭錢凡百八十萬緡今欲展年當
求對補之策明年春有旨許之至是陳璘為總領謝輝為帥請諸朝復以
二年一允蓋軍餉所仰不可復展矣。

三年四月辛酉詔宰執臺諫子孫毋就試。乙丑禁押余軍人米。五月
癸未命有司搜訪舊聞修三朝正史以書來上者賞之。六月壬寅遣樞
密院檢討諸房文字劉甲賀金主生辰。秋七月辛未頒慶元條法事類
八月壬寅增置襄陽騎軍。丙辰右丞相陳自強等上皇帝會要。九
月己丑遣金部員外郎魯鼎賀金正旦。冬十月壬子金主遣刑部尚
書元顏雙戶部郎中高有鄰來賀瑞慶節。十一月壬申上光宗皇帝徽
號冊寶于太廟。癸酉朝獻景靈宮。庚寅福州觀察使楊次山為岳陽
軍節度使。十二月丙辰命四川提舉茶馬通治茶馬使事。金主遣史
部尚書獨吉思忠戶部郎中序遠可來賀明年正旦。是冬金主盜起懼
朝廷來傳以遣聚糧增戍且禁襄陽府權境遺囂之聞蓋自此始。
四年正月浚天長縣濠。二月丁酉置莊文太子府小學教授。辛亥命
內外諸軍射鐵帖轉寶。三月辛未詔葺太廟。甲戌下詔罪己右丞相
陳自強等以火災請罷不許。乙亥詔百官條陳時政闕失。庚寅復御
正殿。四月甲午朔立韓世忠廟於鎮江府。六月癸巳遷起居舍人張
嗣古賀金主生辰。丁巳增廬州強勇軍為千人。八月丙辰除靜江府
昭州折布錢。九月乙丑得四圭有邸玉一詔藏于太常。壬午遣大理

少卿張孝曹賀金國正旦。丙戌歲飭兩淮州縣遵守寬鄉舊法。十月壬寅金主遣兵部尚書元顏呂戶部郎中上官瑜來賀瑞慶節。十一月庚申令諸州置招軍簿。庚辰修六合縣城。十二月乙卯金主遣殿前右副都點檢烏林答剌太常少卿賈益來賀明年正旦。

開禧元年春正月丙子出封樁庫金一萬兩以待賞功。丁丑以許浦水軍裨殿前司。己卯重定選人捕盜賞為二等。甲申雷。二月癸巳徐

安國奪三宮命史官改正大奚山賊名。癸卯詔國用司立考覈財賦之法下于諸路轉運司。三月庚辰揚次山為太尉。辛巳以淮西安撫司

所招軍為強勇軍。四月辛卯江陵副都統李奕為鎮江都統武節大夫皇甫斌為江陵副都統兼知襄陽府。戊戌修憲聖慈烈皇后聖德事迹

縣。五月甲申鎮江都統戚珙遣忠義人朱裕結連水縣于手李金焚連水縣。六月辛卯詔內外諸軍密為行軍之計。己亥遣禮部侍郎李壁賀

金主生辰。降大理三衛臨安府囚罪一等釋杖以下。七月命興元都統司增招戰兵。己卯平章軍國事韓侂胄等上高宗皇帝御集。壬午

詔諸路提刑提舉司措置保甲。癸未韓侂胄兼國用事。八月丁亥命湖北安撫使增招神禁軍。癸巳雨。九月子未遣秘書監鄧友龍賀金